

Fair PharmaCare Plan

Buwanang Opsiyon na Pagbayad ng Deductible



Alam mo bang ang PharmaCare ay nag-aalok ng buwanang opsiyon na pagbayad ng deductible sa mga taong tumatanggap ng tulong sa Fair PharmaCare Plan?

Ano ang Buwanang Opsiyon na Pagbayad ng Deductible?

Ang opsiyon ng pagbabayad na ito ay nagpapahintulot sa isang tao o pamilyang inaasahang umabot o lumampas sa kanilang Fair PharmaCare deductible para sa taon na bayaran ang bahagi ng kanilang deductible bawat buwan at nang makakuha kaagad ng tulong para sa kanilang mga gastos sa de-resetang gamot.

Sino ang karapat-dapat na magpatalâ?

Ang isang pamilya o isang tao na:

- nakarehistro para sa PharmaCare;
- walang pribadong health insurance na nagbabayad ng mga gastos sa gamot*; at
- mayroong deductible sa ilalim ng Fair PharmaCare plan.

Ano ang mga benepisyo ng pagpapatalâ para sa opsiyong pagbabayad na ito?

- Ginagawang mas madali ang pag-budget para sa gastos sa mga de-resetang gamot at kagamitan sa paggamot.
- Ang PharmaCare ay tumutulong sa iyo na magbayad nang mas maaga sa mga karapat- dapat na de-resetang gamot at medical supplies sa taóng iyon.

Tama ba para sa iyo ang opsiyong ito ?

Tingnan sa likod na pahina upang :

- Alamín kung paano gumagana ang Fair PharmaCare deductible .
- Tingnan ang halimbawa kung paano gumagana ang buwanang opsiyon ng pagbabayad .

Paano ako magpapatalâ?

Makipag-ugnayan sa Health Insurance BC (HIBC). Ang HIBC ang nangangasiwa sa PharmaCare at sa Medical Services Plan.

Mula sa Lower Mainland, tumawag sa: **604-683-7151**

Mula sa ibang dako ng B.C., tumawag nang walang bayad sa: **1-800-663-7100**


Matatawagan ang Customer Service Agents mula Lunes hanggang Biyernes, 8:00 AM-8:00 PM at Sabado ika 8:00 AM-4:00 PM.

Tandaan: Maaari kang magpatalâ para sa taon ng kalendaryong ito kahit kailan hanggang sa ika-30 ng Setyembre. Pagkatapos ng petsang iyon, para sa susunod na kalendaryong taon ka na puwedeng magpatalâ.

* Hindi ka dapat magpatalâ sa Buwanang Opsiyon na Pagbabayad ng Deductible kapag mayroon kang pribadong health insurance na may drug benefit plan. Ang iyong pribadong health insurer ay nagbabayad ng bahagi ng iyong mga gastos sa mga de-resetang gamot at ang Opsiyong Buwanang Pagbabayad ng Deductible ay maaaring lumikha ng mga problema kapag prinoproceso ang iyong claim at maantala ang mga pagbabayad mula sa iyong private insurer.

Paano gumagana ang Fair PharmaCare?

Sa ilalim ng Fair PharmaCare plan, babayaran mo ang halaga ng mga may resetang gamot ng iyong pamilya hanggang sa umabot ka sa deductible. Kapag naabot mo na ang iyong deductible, tutulongan ka ng PharmaCare sa mga karapat-dapat na gastos para sa natitirang bahagi ng taon.



Maaari mong kuwentahin ang iyong deductible at family maximum gamit ang calculator sa www.gov.bc.ca/pharmacare/fairpharmacare-estimator

Ano ang mga "karapat-dapat" na gastos?

- Ang karapat-dapat na mga gastos ay ang maximum na halaga na babayaran ng PharmaCare para sa de-resetang gamot, medical supply, o isang dispensing fee ng parmasya.
- Tanging ang mga karapat-dapat na gastos lamang ang mabibilang sa iyong **deductible** at **family maximum** (tingnan sa ibaba).

Ano ang aking "deductible"?

- Ang deductible ay ang halaga ng pera na kailangang gastusin ng iyong pamilya sa bawat taon para sa mga karapat-dapat na de-resetang gamot at medical supplies bago simulang bayaran ng PharmaCare ang **70%** ng iyong mga karapat-dapat na gastos.
- Ang mga pamilyang may kasamang isang taong ipinanganak bago ng 1940 ay makakatanggap ng 75% coverage.

Ano ang aking "family maximum"?

- Ang family maximum ay ang halaga ng perang kailangang gastusin ng iyong pamilya sa bawat taon bago simulang bayaran ng PharmaCare ang 100% ng iyong karapat-dapat na mga gastos.

Paano gumagana ang Buwanang Opsiyon na Pagbayad ng Deductible?

Halimbawa

Ang halaga ng gastos ni Brenda at John sa mga de-resetang gamot ay humigit kumulang \$2,200 bawat taon. Ang kanilang Fair PharmaCare deductible, batay sa kanilang pinagsamang taunang net income ay \$600.

Kung Walang Buwanang Pagbayad ng Deductible:

- Babayaran nila ang lahat ng karapat-dapat na gastos sa mga reseta sa parmasya hanggang sa sila'y umabot ng \$600 (ang halaga ng kanilang deductible).
- Pagkatapos nilang maabot ang kanilang deductible, ang PharmaCare ay magbabayad ng 70% ng gastos ng mga karapat-dapat na reseta para sa natitirang bahagi ng taon.



Kung Mayroong Buwanang Pagbayad ng Deductible:

- Si Brenda at John ay nagbabayad ng \$50 para sa kanilang deductible bawat buwan.
- Magbabayad sila ng 30% lamang ng kabuuanghalaga ng kanilang karapat-dapat gastos sa mga reseta sa parmasya mula sa petsa na makumpleto ang kanilang pagpapatalâ. Ginagawa nitong mas madali para sa kanila na mag-budget para sa gastusing medikal.

Kapag naabot nila ang kanilang taunang maximum sa pamilya, babayaran ng PharmaCare ang 100% ng kanilang karapat-dapat na gastos para sa natitirang bahagi ng taon.

For more information, please visit the PharmaCare website at www.gov.bc.ca/pharmacare.